

夷牢溪廬詩鈔

夷牢溪廬詩鈔卷五

遵義 黎汝謙 受孫

古今體詩共五十七首

癸巳二月廿九日呂秋樵

增祥

參使招飲於日本

東京上野之櫻雲臺賦謝

以下癸巳

融風冶日萬花明
雲作樓臺錦作城
不惜黃金擲虛牝
招邀紅友儼飛英
鐙前歌舞霞舒卷
醉後談嘲雨縱橫
卻笑方平老饕餮
儘貪醺醺忘新醒

嚴芙湘

作霖

太守東來日本亞細亞協會諸君特

開親睦會於紅葉館芙湘有詩次韻奉答

一笑相逢喜若狂，亮懷如浴水雲光。祇緣飢溺關心切，

豈要侯封食舞陽。

英湘奉委來日本
勸辦順直賑捐

嚴助才名信不虛，不隨方朔老公車。他時若便翔天祿，
請草瑯環中秘書。

六載塵輶又采風，年華都付酒杯中。竭來靜悟勞生理，
何處何思泯異同。

匪獨心親更氣求，十年舊雨憶陳侯。

謂哲甫

憑君爲寄相

思字，尙記浮槎遠客不。

絕句

身外千秋等屑榮，胸中五嶽未全平。男兒不自知憂喜，

爲避飢寒老此生

題烏程孫氏二烈女殉難圖

烈女烏程人其父名錫珍號雲亭女年十

八字許氏次年十三未字咸豐庚申隨父避粵賊之亂於同邑南鄉輯里村祖塋山莊癸亥二月賊猝至遂相驚投北濞河以死越二十年其父乃繪斯圖以誌哀

紛騰狂虜動山村
避地鷄栖守墓門
一騎喧呼來赭寇
雙貞攜手葬寒淩
雲霾古渡魂相照
月冷平沙骨尙溫
北濞清波流不盡
至今嗚咽怨黃昏

十年烽火蹈危機
歎息人閒心事違
枉自江干種黃竹
更無門巷識烏衣
愴懷玉骨成香土
回首貞珉感輓幃
垂老臨風一惆悵
雙鬢月下應同歸

送李一琴

維格

歸國葬親

塵土兼金可自由，掉頭歸去訪松楸。
祇愁元亮資難隱，未信夷光世莫倚。
東海三年成小集，西歐萬里識前遊。
翩然徑侶閑鷗去，煙水湖波一釣舟。

癸巳二月木下川觀梅

仲春選勝出郊原，競道梅開木下川。
臨水槿籬修竹外，到門山石草堂前。
忽驚絕豔排千樹，想見成林過百年。
何事春風苦披拂，更無霜雪鬥嬋娟。

日本梅以二月始開

得純齋叔書云重修禹門寺敬獻長歌

禹門古剎夷牟東，闢自前明萬厯中。
破山丈雪啟淨域，

繼嗣弟子策眉翁策眉吾祖懷仁弟故名懷智當啟崇

起家徵仕遭國變傷心薙髮栖禪宗本師丈雪棄妻子

老入西川昭覺終

策眉翁開寂於
四川昭覺寺

法嗣相承二百載石

林煙月常雍容梵唄鐘魚自朝暮六時香火嚴虔恭古

木蒼藤映寒碧祇園草木爭丰茸圓嶠方壺忘歲月揭

竿忽起驚蠻童赤眉銅馬妄雄長紅羊浩劫當咸同千

村萬落盡荆杞兒號婦泣天爲慟我君奮義扞鄉里依

山設險開垣墉塹山堙谷建隍柵譙樓烽燧連天紅攬

槍盡出豺虎嘯旄頭夜落天狼空重圍盪決百餘戰雲

梯窺道黃霄攻扶持幸賴彌陀力彈丸得抗千羆熊遵

東大小四十寨匪降卽陷無全功賊徒殺戮到鷄狗風
淒雲慘悲天夢十年血戰一朝定盡解兵衛歸耕農雨
歇鳩鳴禾黍長青疇綠野歌年豐遠鄉屠破無遺類連
村殘骸棲蒿蓬始信當年戰守力雖曰天助繫人功從
茲古寺成寥落頽垣廢突荆棘叢春雨禾麻纏白骨秋
風瓜豆巢斯螽佛殿蜘蛛羅雀鼠經樓蝙蝠如人雄厠
爨無煙僧侶散惟餘老衲煨殘菰滄桑人事幾遷變物
窮則返天惟聰吾家老叔黔男子叔自署曰黔男子廿年作宦
依吳蒙西極歐洲東日本再持使節柔夷戎艱歸周視
讀書處慨然興感思前蹤先葺經樓度北藏叔在日本買北本藏

經全部財

後補舊殿安三宮

舊有三官殿甫監棟梁工未畢而止

叔爲完葺奉

三官像

貝葉娑羅致天竺景鐘漢缶來歧鄴竭來備兵

障西蜀

叔由日本歸備川東兵備道

去國益邇功益洪謂言老釋不

同道一庵供奉難和融文昌讓位祝釐寺

移文昌像於郡城祝釐寺

祖師移閣臨溪江

以玉皇殿爲方丈別建閣於平遠橋頭並置祖師像

玉皇下殿

避方丈橋頭傑閣棲關公

於平遠橋建閣奉關帝

更爲三君築祠宇

邵亭子尹兼伯庸

於經樓後建三君祠祀鄭子尹珍莫邵亭友芝先伯父伯庸兆勛三君子

高閣崇樓煥金碧粉牆丹柱餘沙蟲吾叔尊儒不佞佛

獨於此剎縈深衷香火蒲團證因果事難憑信理良通

策眉死後二百載惟公繼此真奇逢卻思先子手種樹

拱把今已參蒼穹平生志事百不就每睽茲廟心常惆
天若假年睹此盛定知笑語門閭充余亦十年倦奔走
思營一室娛寒冬歎息無田又無屋先人邱壟還須封
他日歸來謁方丈可許扶筇托鉢相追從

東京賣茶亭感舊

十載曾爲汗漫游寶釵裙屐此登樓而今再到尋陳迹
青草池塘水滿漣

飛鳥山觀紅葉

曲澗疎林彎復彎蒼松翠竹映迴環小橋徧畧通幽徑
水榭森寒瑣碧灣幾樹霜楓蕭寺外半巖雲葉澗阿閒

醉來紅葉亭邊望古木寒溪獨自還

癸巳十月廿六日與日本東京名流讌集於紅葉

館卽席留別

跨海來尋未見書十年兩度過秦墟

徐福葬處

攝津風月成

陳迹

攝津卽神戶舊名昔余任領事三年

神奈雲山啟故予

神奈川橫濱舊名也

老

籍昔曾聯編紉阿咸今又接簪裾更欣翰墨香圖冊

諸君

爲題稱畦芸菜圖

會見奎光澈徹廬

三年浪迹等浮雲紅葉樽邊手重分季札審音知國是

子卿歸漢悵離羣鏤心文字真鳴鳳過眼年華感聚羣

鐘鼎山林同一夢要從徑寸策奇勳

題張綺卿

錦雲

太守小金井觀櫻圖

圖爲日本大瀧居士作

青溪夾岸花成錦，倩女明妝弄清影。
相攜何處兩癡仙，顛倒春風狂不醒。
我疑此景天下無，乃入君家金井觀。
櫻圖花光十里水，平鋪誰爲寫此傾。
城姝瀧瀧居士饒天趣，收攬春色入毫素。
寫將過去景，長留便好結茆此。
中住想君此時樂，無偶又有呂子相。
先後慚予三載寄橫濱，清游未一隨君走。

圖畫君及呂君秋樵二人同游

富士山

日本大嶽也

坤維盡處聳兜離，回拱神州鎮九夷。
萬古不消三伏雪，百盤直入五雲梯。
凌霄拔地無依傍，露散雲開不少虧。

摩頂故教差蘊藉只緣寅谷是孫兒

山頂平突

戲題東坡集

平生讀書愧百城自幼耳食東坡名細閱文詞無一可
牽意游嬉乃類我不虞之譽遂千年羣兒如蟻慕腥羶
奎宿無靈箕口應人生何事非天定文章誰謂有公論
由是觀之吾未信

癸巳冬十一月廿二日余卸橫濱領事任由車道

歸國夜宿名古屋秋葉樓見門眉有家叔蒞齋

星使題青春鸚鵡四字後二年朝鮮公使李鶴

圭過此感而賦詩曰名屋停車日已曛琴樓重

見故人文青春鸚鵡如能語也說當年黎使君
余感其多情而念舊更和二章

朝鮮公使夙知名感舊難忘今昔情誦到青春鸚鵡字
新詩句句念黎卿

卸肩暫此息塵勞忽睹門眉漲白豪知是吾家老蕤叔
偶來此地試羊毫

哭工甫兄

拆書閱未竟欲哭已吞聲聲與淚俱迸不忍哭我兄我
兄當少時祖父如掌珍讀書夜繼日望子成令名寒暑
不少休直欲與命爭坎壈四十年始博一第榮七載上

春官屢黜不中程大挑授教官廣文人所輕員多未及
祿依然恃筆耕屢書促東來稍怡手足情如何病不起
兄弟遂一生生不視湯藥歿不憑紼旌相去萬餘里徒
含淚縱橫

其年八月余寄資促兄東來不一月而病作矣

嗟予齠稚日家貧未有師束髮授六經字字兄教之童
心兼質魯同輩相嘲嗤日誦百餘言百遍仍期期兄曰
速讀來吾笥有案飾一讀一回餽日常六七嬉凌晨倍
未熟含怒不肯笞命曰復讀來一字了不疑然後授生
書遂日無差池稍長爲文章三六九課題初由淺白語
漸進宏深詞篇成呈正是塗改夜忘疲洗我渾沌胸抽

我清新思偶然得佳句獎借過其宜羊質蒙虎文冀暖
蒸菌芝當年所改作句句皆雄詞年深不收拾叢稿今
付誰負兄一生心恨我十年遲已矣復何言血淚空如
糜

吾嫂生四男次第先殤亡繼室育一子身已七尺長溺
愛少失學已大今何望兩女未及笄坦腹無東床惟有
兩稚孫頭角差軒昂失今倘不學誠恐苗空芳凡此未
了因吾責貸無旁誓盡力所能斯言吾敢忘念兄長已
矣富貴誰同嘗

同生共四人季也最先歿惟兄與仲子一生貧澈骨十

年射科甲連蹇抑不發未邀寸祿榮枉令心神竭余也
蒙先德早出持門閥而亦久速邇壯懷空筆兀常思歸
買山與兄同竈突共理燬餘書同摩邱壠碣冬擷山堂
梅春採大嶺蕨耕田養子孫謹守傳家笏何期願未就
已先朝露沒已矣復何言淚雨漲溟渤

時方由日本歸舟中

兄也二十年篤信青囊術兩親邱壠地皆自兄手卜自
謂得訣眞形氣兩不失前歲葬母時兄曰此最吉如何
未二年喪兄兼喪姪地理旣如斯天理更難必兄今埋
骨地路遠不能悉兄生尙如此後死將誰卹

伯叔迭書來疾緣肺癰灼病狀未應死因誤服草藥吐

黑血數口目瞪氣卽落何人進此方聞信蕭太和之說服響鈴草立嘔黑
血數口氣不屬而卒蕭用意原非惡而乃竟戕身天邪
太和者不知何許人也抑人作天人兩不知悲誰叩冥漠

無錫舟中

夾岸桑疇未綴萸菜花蠶豆繡長隄嫩黃楊柳青青麥
正是清明上冢時

纔過長橋又短橋扁舟一葉盪輕橈布帆不挂頻停駐
爲愛葱苗手自挑

游太湖登洞庭山末笠峯絕頂縱覽全湖諸山

碧螺環插水晶盤兩疊屏風九曲闌四面峯巒開郭道

百重雲水接天寬
柔桑穉柳搖春晚
翠竹黃蘆起暮寒
信是吳中山水窟
笠峯絕頂任盤桓

書巢經巢詩後

以下甲午

耕讀堯村十載還
卜居廬墓望山前
米樓斜抱松崖曲
經閣深藏梅圯邊
入世功名官八品
等身著述已千年
道真絕學平生志
只恨曹溪未有傳

余與楊荻咳

炳灼

摯友也相別四年今春晤於滬

濱盤桓數日行將別去賦此誌別

廿載交親等弟兄
桃花潭水寄深情
互相期許從人謗
各自騰驤絕迹行
意摯未妨神鬼妒
形忘翻恐忌疑生

少年契誼今無幾，竊恐青蠅敗舊盟。

贈趙幼漁怡表甥

君外祖母我長姑姑，夫鄭老今大儒。

謂子尹先生

君婚乃孫

吾表姪姻婭兩世如，陳朱在昔兒時遭。喪亂君走岷蜀，我故廬事定歸來各齒長。禹門一掛情親，孚藁筆同趨

州郡試提籃，并走鄉貢途。互以千秋相厲勗，欲齊鄭莫爭馳。驅君時遜謝道不敏，我曰此事人能圖。今上初

元，我鄉貢君遲雲鵬庭闈趨侍奉。西川飽經術，我領商局柔倭奴。雲海十年各分手，望子不見心縈紆。乙酉艱歸，寓金筑與君握手懽，無如聖室長號銜毀恤。那復文

字相响濡已丑謁銓滯吏部君亦領薦來京都此時攜
手道契濶觀子氣象大昔殊清詩落落近王孟細書裊
娜隣黃蘇雅韻幽蘭秀空谷澄懷皎月涵明湖陶然亭
上送斜日天甯寺裏傾芳壺愧我願宏學糝雜舊有殖
穫今皆蕪邇復東征事專對埋頭塵牘成枯株於古無
聞今無補三年坐令歲月徂羨君昆弟盡英妙聯翩科
第相攜扶祖宗積德已三世老親健飯兒能書郊祁并
是活國手會看攀鱗振翼翔天衢

甲午四月十日至京次日會試榜發趙惕幼漁

中式作詩誌賀

四十科名未是遲
鴻臚初啟笑開眉
新恩遂作登瀛客
舊夢曾經下第悲
壽世文章無甲乙
入官聞望此胚胎
自慚老懶甘塵狀
看汝飛騰上赤墀

附錄和作

廿載江湖煙水蹤
相思頻倚寺棋鐘
星槎幾拂瀛洲遠
帝里重驚陌路逢
少日蕭同詫城府
百年韓孟想雲龍
著書終愛夷牢好
仕宦應看郗曼容

和趙幼漁表甥見贈

人海年年舊識稀
眼前得喪幾推移
孟郊垂老方登第
伯樂而今祇相皮
一旦聲名歸夢幻
百年事業視襟期

高科顯宦真何物千駟由來愧伯夷

附錄原作

星槎重泛海雲東歸國新驕五馬驄徐福山川詩卷
裏倭奴風俗茗談中尹偲而後清華在湖海於今老
宿空萬古潮陽餘筆勢擬從君去問鴻濛

贈趙幼漁

怡表甥

陰陽幹造化萬物生有偶區區文字閒亭毒仍牝牡屈
宋共里閭楊馬稍先後元白生並時韓孟更親友及至
蘇與黃相贊不容口我朝老詩翁宋王寶齊首袁蔣
年齒懸相附如腋肘大造只一鑪萬里猶戶牖吾鄉經

巢翁同心有莫叟嗟予與幼漁友誼兼甥舅竊比古文
人聖俞與歐九抗志與古會哆口忘顏醜當年子畏吾
今日吾子負彼此相望心非富在不朽材力本天成精
微由細剖江海與汝淮其流同永久况承柴翁業親炙
有授受我老精已衰觀子猶能守相望勿相忘播州文
字藪

淵叔久相違

淵叔幼
漁弟

季子見頭角惟君導其先能令諸

弟覺墳篋互酬唱文字共商榷藹藹戶庭閒磨礪兼翁
樂祖德蓄淵深天姿無褊駁元氣漸發舒太璞宜勿斲
譬如養羣芳根腴花自渥舉世習聰明吾甯甘愿慙天

道古如斯煩君叩冥漠

贈黎平彭壽賢

汝晴

孝廉

文字淵源兩世親記偕尊甫踏京塵看君樸質能承業
媿我樛材未乞身燕市放懷曾擊節櫟村績學憶傳薪
櫟材先伯父伯容公字壽賢尊甫眞崖伯父門人也橫戈百戰鳩桑梓定有清陰
蔭後人眞崖辦團練十餘年

庚寅春吾友彭君眞崖附書其子壽賢孝廉屬余

序其景洲吟詩草文成仍交壽賢帶歸未至而

眞崖卒不及見也今年夏余來京師晤壽賢乃

知眞崖已卒感懷今昔悽愴傷懷不能自己詩

以弔之

往日貽書索弁言一編吟藁儘堪傳那知緘札題封日
正是形骸委蛻年燕市長悲荆土璞海天疇解伯牙絃
不堪回首分襟處瘦馬羸車落照邊

通州舟中

火雲千里如焚灼泚汗橫流舌有沙天際烏雲忽含電
原頭赤日倏沈霞狂風捲地纔交雨素月流天已透紗
頃刻炎涼異光景皇天陰隲信無涯

舟中夜半大雨

驟雨狂風夜四更輕舟顛撼夢魂驚掃將炎暑一宵盡

頓覺輕涼萬里生

通州道中

火雲千里肉如焚，禾黍連村不動塵。
裸立刺船人似鐵，何曾渠是馬牛身。

聞朝鮮爲日本所據

甲午六月十日

聞道朝鮮困月氏，王師未動五雲旗。
坐看藩服從茲盡，中國藩服皆盡矣政恐鄰疆禍日滋。
大將失機原可惜，行人失職罪奚辭。
微生憂國終何益，忽憶秋風瓠子詩。

黎公三策識先機，當軸疎慵等廢詞。
未要版圖歸郡縣，更無重鎮總綱維。
公同保護謀原下，自立頽唐治益遲。

千載因循今莫及諸公何以答恩私

叔父蕓齋使日本時曾上三策一請

將朝鮮改行省二派大臣主其政三與各國公同保護朝廷不能用也

甲午六月杪余返自京師祝衡弟亦自吉林艱歸

相遇滬上於是別八年矣賦詩送別

七年曾此惜分離今日相逢喜展眉回首年華成逝水

傷心人事等孤兒

祝衡丁內艱歸

劇談風俗懷王迹偶誦新詩

感夢思此去巴東拜阿叔爲言雙鬢已成絲

蕓叔爲川東道

書事

甲午十月

一念正憂家一念又憂國旣憂死後名復憂生前食高堂華屋中終日坐荆棘問君有多心能勝眾憂賊心曰

君自爲不憂君不得憂與生俱生吾死憂乃息

近聞倭奴軍已抵鳳皇城聯營數十里聲勢浩縱橫我
軍旣寡弱火器復不精一自平壤敗將卒膽虛驚未遇
先潰退遑論望力征坐看興王地淪爲豺豕坑何人肇
釁端失職由行人何人坐失機宰相畏用兵縱令黑子
國稱戈指帝京內政自不修外患何由平藩服已不保
災禍乃身嬰此咎將安歸伊誰秉國成

五洲千百國於古不相通一自道咸來締交兼合從輪
舟來若織寶海遂同風儼如古戰國五霸遞七雄各各
務富強精究兵與農學校密如林十九習商工靜時務

吸取動時務戰攻而我號神州地大物又豐泥古守成
法勢窮不變通文士試八比武夫校刀弓理財尙搜括
命官要資充視彼耽顧者持此將安庸茲爾倭奴地天
若誘其衷一洗舊規模力追太西蹤倏忽二十年毛羽
遂豐隆治國猶治家衰盛乃自躬賤者可致貴富者可
使窮田多久不耕何殊貧窶翁高陽爛酒徒赤手取侯
封皇天本無私道在人能弘尙思英雄人引手起孱懦
思遠

月轉空廊秋滿庭方塘淺水靜涵星迴欄倚遍清無寐
延望長天萬里青

遲眷累不至

望極翻成恨思多更起疑卜頻讎已盡書數電無詞斷
弃閨中婦全忘膝下兒歛心歸寂寞休自縛蠶絲
方寸生冰炭肝腸互琢磨更無心可語但有手頻搓漲
海原無浪人情忽起波羅浮梅萬樹足伴老東坡

夜睡起

嚴城更鼓三更盡空院虛堂睡醒初半畝方塘浸華月
一庭疎木映寒除孤燈滅燐虫吟壁萬籟無聲露入裾
客舍未殊僧舍冷思量往事祇愁予

池畔芙蓉

池畔芙蓉邈邈開深紅淡紫日相催自開自落無人賞
空憶金蓮逐水來

寄星甫九弟

汝恆

滄濱分襟四載餘年來頗覺信緘疎高堂健步真奇福
叔父年七十今春猶至重慶一行稚子能文欲大闢舉室僑懸知節
多時乏給愧何如人生畢竟需恆產蟻垤蜂窠物有諸

思玄

以下乙未

陰陽運五行生人等生物壽夭與榮枯定命自離腹元
氣盜兩閒生理四時足夏枯當夏枯冬青在冬綠桃李
春已芳蘭菊秋乃馥同爲草木身榮枯異遲速松柏甫

徑寸已具凌雲躡蓬蒿雖没人經霜立萎仆託根共一
山大小殊亭毒當其受氣初大造無私毓及至具象形
一定無由復直者自然直曲者自然曲天物兩無心隨
氣爲盈縮人何獨不然厥理同一軸桀紂據高位孔孟
無寸祿盜跖奸而壽顏冉賢而促堯舜無令嗣楚莊有
嘉福李廣終不侯衛青起厠僕去病不識父子文無氏
族夷吾以仇興丁公以恩覆韓彭莫保身絳灌剖符竹
張湯七葉榮陳湯兩下獄或逆取而昌或順遜不穀屠
狗化侯王酒徒登寶籙乾坤坎中此事難理錄一成
終不移萬事隨所觸

水葡萄

尖葉柔枝傍小塘蜂鬚花蕊細絲長狀如雀卵含圓核
色似枇杷暈淡黃薄齋微甜饒野味含煙帶露發清香
嶺南地暖饒珍果獨有楊梅未許嘗

抽釐金

國家田賦外關市亦征商小關蒞州郡大關命部郎粵
海屬內府閩海將軍當兩關稅入多專供內務藏舟車
及鹽鐵運司專其枋歲入三千萬國初逮道光維時
府庫充出入經有常溯自咸豐初粵賊起蒼黃萌芽金
田村順流下武昌屠殘江皖地盤擾蘇與杭旗綠窳不

振召募充戎行曾胡數鉅公異軍起湖湘度支匱不給
抽釐議始倡創辦荆襄開遂徧東南方值百抽五兩商
賈已徬徨本云亂定罷歲久成憲章兵與勇俱養費煩
用益忙百度仰釐金立法曰精詳始第督監官繼乃密
隄防四聯比校法歲歲繼增長若或紉不盈代者已在
旁網密督責峻搜括到囊篋關吏劇騰犬胥徒甚虎狼
十里一驗票百里一秤量銖黍苟差池倍罰輪太倉尺
寸衡薪蔬銖兩算酒漿十倍十年前猶曰飽私囊稽之
承平日七千萬有強仍曰用不足彌求整頓方江海諸
洋關樞使界外洋奴隸視縉紳查點到巾箱緘勝啟或

遲刀斧已飛揚積使行旅人絲縷成疳瘡百里殊文軌
咫尺成界疆肩背挑負者果實皆掠搶邇迫與倭和二
百兆難償羅掘議益急財盡疇輪將征商與賦民相去
無毫芒不務生財道但務斂財方民貧國亦困斯世何
由康誰舉厚生理持以告吾皇

天主教

洋教入中國邇來三百年前明萬厯中澳門飄一船廿
年不上陸孤獨守遺編遲久朝京師乃始借一厝潛誘
無業民根株遂蔓延大清繼寶籙國如磐石安若人足
元氣邪穢不敢干涖夫道咸朝夷禍肇禁烟一戰失羊

城再戰入幽燕氛祲滿京師焚掠 圓明園 文宗狩
潯河丹闕流腥羶恭王成和議條約如繩纏從茲教倖
張郡縣監樓觀高堂耀金碧傑閣凌星躔車馬極鮮肥
膏腴連陌阡貧者迷嗜利富者倚抗官每逢禮拜朝男
女赴經筵唧唧諷經咒匍伏聽講宣不許祀神祇不許
祭祖先三六九月中毋許食葷鮮近年天主衰耶蘇教
更然馬里曰天主意法尊其傳耶蘇馬里子英美如風
扇立法較平易散布歐美閒而我神州地孔孟道高堅
李耳與釋迦儒生且不談火教及天方隔閼如鷺鷥青
蓮白蓮徒百數皆邪好獨有孔孟書深入人心肝以其

合天理濡養徧滅寢及夫洋教來羣情誠異端新死必
抉眼新婚先結緣或云食人腦或謂食人肩憤極肆焚
殺平地生波瀾彼族恃強橫廊廟務曲全殺人例償
命劫掠總賠錢還以民脂膏填彼無窮淵小民不自悟
喜逞一旦悃終自剝其膚何若安其便屈指四大洲耶
蘇據厥三其言剛忠恕與孔義還聯喻理必淺近摘詞
無與報所以下愚資甘心受絡閑馬不能翅飛鳥不能
嚙鵲鳥訕魚淹沒魚譏鳥渴乾相去如水火習慣卽自
然吾勸世閒人勿自生寒炎火山有火鼠冰窖有冰鱧
杞人憂天杞伯婦憂夜眠韓歐諸大儒闢佛勤且專當

時賢哲士乃或樂逃禪放眼觀古今當知宇宙寬臭草
與芳椒蒙葢共一山鸞鶴與鴟鴞生生理各全東西孰
定位黑白誰嬖妍五味孰爲正五官疇可剛各自適其
適彼此休譏彈吾勸世之人萬事由諸天

光緒廿年甲午五月日本師入朝鮮我軍一敗於
牙山再敗於平壤大潰至鳳凰城連失牛莊旅
順威海諸隘失地喪師 朝廷震駭乃遣使割
台灣賠兵費二百兆萬兩以和其始禍皆起一
二宵人謬充專對以至於此 朝廷優容不治
厥罪似於始禍之原尙未洞悉者其事始末已

記於別篇更賦二律以諷使世之君子秉國之

鈞於簡命使臣知所戒云

底事宵人忝使材

十九年吳人汪鳳藻爲日本使臣

天教誤國作胚胎

盡收姻黨居權要更遣中親總貨財三族獨推妻族貴

一官何啻四官來昏庸鄙吝身都備葬送河山已早猜

余差哉同國知其必不終果不數月而禍作

列卑連壓啟閭閻官商署館起朱殷坐教一炬成灰燼

忍視羈民漬淚斑公爲叛臣謀反國

禍由派通事吳某送朝鮮叛臣金玉

均同國至滬被朝人洪某所殺

祇緣繡繹弄神奸喪師失地從茲始看

汝歸來不汗顏

官冗歎

國家登進階其途有數類首重甲乙科三年一大比初由郡縣考再應學政試售者列膠庠廩附殊名字秋闈試舉人春官進士第由此號出身世稱青雲器上等擢詞林年勞歷卿貳次分各部郎下不失縣吏此外五貢生拔優最便利高等授京秩次亦儒官寄選拔必酉年縣一郡遞二優行三歲貢名額不一致大省六八人小省或二四恩副論年資出身實無地鄉舉不進士十年有大挑駢列廿人中三人縣令邀九人授儒官餘八屏不要凡此曰正途均從文字招亦有恩蔭生文武官二

品覃恩蔭一子例與正途準軍務黃河工計功列保舉
但論功與勞不復計資序或果才德優往往立登叙論
薦自大臣人地無定所京外各衙門胥吏許出身初授
八九品閒亦佩魚銀捐納例最寬所貴多金錢四品至
九品文武均可捐封誥及虛職紅頂戴貂蟬白金至二
萬立即授道員此途最捷速頃刻升九天既不論才德
亦不計資年世情雖不重亦或出名賢又有五等爵公
侯伯子男後裔紹其封坐致清華班此皆勛戚家平民
未許干仕途日以廣員缺日以刪從此仕宦中猥濫積
如山官吏多於民選部安能銓候補候選曹淹滯數十

年望差如望歲得缺甚登仙年豐子啼饑歲暮妻號寒
大吏視如讐任官眇似煙進退兩失據學仕誤從前競
爭排陷場平地生濤瀾嗟哉寒素家讀書思得官萬苦
博一階困頓猶依然外詔章服榮衣食內不全一身不
自保君民何有焉寄語世之人仕宦須因緣苟無親與
故置身當要權慎勿誤一生垂老衣裳單智者學耕商
骨肉常安便

夷牢溪廬詩鈔卷五終

夷牢溪廬詩鈔卷六

遵義 黎汝謙 受孫

古今體詩共五十九首

服官

少小學仕宦四十乃得官分發到嶺表負累三四千三
上不甲科出身資保閒兩使東倭邦光陰遂十年初始
望州邑倏謬領郡班甲午入皇都引見朝金鑾召
對乾清宮溫語接天顏領憑謁大府有如新婦焉逢
人問禮數遇勢乞挽牽懷刺趨府庭星稀露未乾癡坐
似木鷄序立如鴻鵠百回不一見輿馬空往還督撫爵

崇高森嚴未許干喜怒在須臾升沈立變遷怒則黑可
白喜則愚可賢求差與得缺難於上青天既無序可循
亦無梯可緣去舍不自由暫候數十年沈滯負一生餓
死疇爲憐平生寡勢交又復拙營鑽竄名讞局中折獄
空無權倖然受米薪妻子衣不完進乏干時策退無負
郭田持此半百身何年歸買山

詠公孫菊

大造育百昌春華與秋秀亦有淩霜開而無終歲茂惟
有松柏材百年長勁壽然無花與實足以供啖齏嶺南
有金橘得天乃獨厚枝幹雖不宏結子眞奇遘前子尙

未熟後子已如豆豆子甫含苞枝閒花已又熟者垂黃
落大者復相湊花實雜青黃大小常相逗綿綿無了期
生機常滿透嘉名曰公孫名實誠相副譬如金張族世
世享貴富物類有如斯若人延世胄覽物發深心萬彙
由天授

觀化

偃虎無如伏鼠病鴈乃畏尸鳩匹夫起困萬乘尺土坐
致九州惟當王而卽貴孰勢去而能留有反客而作主
或掉尾而擊頭彼無心而作合此極意而難搜竟因福
而獲禍乃過愛而成仇或朝榮而夕悴亦早播而晚收

或力耕而無穫乃不種而有秋矣旋至而立應或自致
而非求胡施德而受禍何棄好而錄讎本種花而成棘
公倒戈而授矛偶遇險而得慶乍因喜而生憂憬天道
之難知感人世之沈浮但當前之可問孰來去之能周
似四時之變遷若萬派之川流要臨怒而卻步須摧剛
而用柔愼重快心之際提閑後悔之差但委心而放步
勿逆命而妄投視雲煙之變滅任吾意之悠悠

乙未九日偕郭竹居

中廣

教諭同年陳笑山

景星

大令至城北郊外寶漢茶寮小飲笑山有詩次

韻奉答

番禺再遇茱萸節步出城坳漫引觴夾路黃連遲稻熟
亂山赤立夕陽荒小寮竹樹粗違俗野店盤餐味帶鄉
幸有佳賓能枉顧高談元化贊陰陽

河西九郡正干戈杜老憂時賦七歌十道但知開府貴
八州空見庶民多長懷雄傑扶危局坐惜山河付逝波
一笑書迂空壯激唾壺擊碎奈天何

題陳笑山詩卷

惟言本心聲美惡覘懷抱才高倘昧學又同不熟稻學
識誠備優出語貴深造有述果逼真後世誰不好吾觀
笑山詩體物極幽竅大若決江河細乃窮微秒如日燭

萬象隱顯無不到如鏡照羣形鬚眉都了了泰岱不爲
高臺末不爲小當其落想時似有鬼神繞曲折自奔騰
光輝澈裏表使筆如使刀取物必取腦但言我欲言卻
道人難道惟詞必已出頓覺古人少豈獨過時賢實已
欺諸老是謂古作者隻字皆成寶以此絕代姿斷爛付
叢稿長笑咕嚕流公然禍梨棗

予寓粵東雅荷塘鄰舍候補鹽大使李金鏞之小
婢姓 名阿妹病瘰癧醫云食蠍卽愈遂捉生
蠍用香蕉皮裹而吸久益慣但得活蠍卽生食
不懼共食五六十枚而愈其食時先由首吸入

自云其尾猶搖動於喉噏閒也

在昔餐生蠍曾聞某統軍乃今愚小婢

婢年十三

亦與古同

羣活吸頭先入生吞尾尙紆果能醫疾疾奇事未前聞

雅荷塘寓宅小園

僦宅城東隅庭中小池沼方廣四丈強有源不覺小西
北據高垣東南欄楯繞東頭有隙地盆花環列好三面
種雜樹西牆叢密篠池角水葡萄芙蓉及柿棗竹下一
茅亭清涼達昏曉長條掛綠漪密葉生芹蓼夏日綠成
陰和鳴來小鳥區區一畝宮生意盈懷抱長夏日初斜
池頭酌碧醪一枝借鷓鴣有水不嫌少繞池酌後吟遊

天看不了閣閣鳴蛙聲月華升木杪

雜詩

稚女針黹時枯坐默無語試與說古今兩耳如塞土笑
汝此何爲持家要機杵看爾如我長能否辨稷黍
平生不知病手腳常輕快說與病者情過耳聽欲睡可
知魚鳥性天淵各分界凡事不身經直如觀壁畫

各國妝飾歌

華人妝束好小足纏裹纖纖如笋束弓鞋小樣門妍媚
紋繡千針映紅綠西人妝束好細腰少女忍饑不食肉
鬆鬟散髮竹籠身

西婦腰不細者肩以下髀以上用竹籠撐柱以形細腰

孕婦公

然纔一握日本赤足腰亦纍團團高髻簪珊瑚寬衣圓
領復大袖草鞋木屐喧雙趺旗人足大愛高底長裾委
地自矜喜玉釵盈尺雁字橫半臂戎衣門紅紫江浙村
民赤足多插秧種豆唱田歌城中富人誇小足盈盈舉
步如輕梭貴州苗狎各殊樣百二十種難下上鳳頭鴉
雀花黑青皆苗種類椎髻長裙男子狀九州之大無不有彼
此譏評互美醜須知見慣卽爲佳馬笑高飛鳥笑走我
今多見成達觀各從其俗皆天然不須勉強生分別風
氣成時卽自安

飲酒詩二十三首

人生貴適意不在貧富閒患得又患失富貴猶可憐腰
懸斗大印曾無一日安何如飲美酒一醉不知年
皇天毓萬物貴賤本無私一自成象形遂不可盈虧爲
善必獲福理是還多疑不如飲美酒萬事隨所之
古今曠達士子陵與淵明審觀其文詞亦各有不平從
知富與貴賢哲難忘情人心今古同何事強鬪爭
由今觀古人好惡同此理再歷數千年人情還似此趨
利赴榮華萬世同一軌誰能甘寂寞冥悟無生旨
羣蛙鳴閣閣其意果何居謂爲不平鳴底事人難知吾
思喜怒閒皆各有言詞必謂鳴不平此語將毋欺

人無論貴賤自古皆有死或謂仙不僵空然有是語尸
化謂蟬蛻欺謾終難恃舉世說神仙究誰真見矣

智士期不朽庸人期滿箱能人期幹濟志士恥尋常達
者乞名譽拙者羅酒漿同爲俱盡身何苦分丹黃

孔孟訓萬世垂教在道理其實古今來惟勢與數耳處
強必凌弱居高自下庠勢至誰能違小大爲勢使道者
言其常數者言其暫數至道莫違古今同一歎凡此勢
與數無奈歸諸天天高默無語其理終難宣

讀書破萬卷未必收甲科詞林三十年無差亦空磨學
成不養身舉國無人訶秦王坑儒生惟聞四百多時藝

坑後世其勢如江河滅頂方醒悟未死猶奔波持此毒
生靈險狠甚妖魔此法倘不更再世當奈何

富貴與壽考其事關精神幾見將相材嚶嚶疾滿身傳
巖起版築尙父興涓濱惟其精氣充斯能入夢頻含靈
具五性誰不戀要津但自問精氣何須求卜人

聖賢與仙佛根柢出忠孝忠孝本天生厚薄匪人教一
入仕宦場腹誹顏猶笑有如麒麟楨內乾還外耀卿相
等優伶今古同一調

礎潤知晴雨鵲鳴報吉凶龜策本無知而以決違從人
生不自信反乞靈於蟲蟲豈靈於人無私心自公凡事

有先機公明機自通人心果無欲何事不昭融吾願天
下人萬事求童蒙

深夜下微雨炎天氣轉涼睡起持一壺鳴蛙侑我觴吾
生果何成萬事墮渺茫有志學神仙其術難精詳有心
學富貴命定不可望二事不由人寸心空百忙

狸奴食薄荷班鳩食桑椹雄鷄食蜈蚣虎豹食犬均
如人飲酒足以壯其性凡物各有宜天也人難定

人情役勢力今古無是非斷獄稱于公吾實未信斯輕
重由一心豈果如權欺喜則黑白惡則東可西羊犬
務相觸魚鳥互相譏天性各不作好惡安能齊謂必衷

言公集卷之二
一 是此理將毋欺

當世豔富貴後世重榮名其實古今來毀譽何嘗平湯
武弑桀紂百代稱聖人李唐及趙宋詎曰非叛臣一自
正天位萬世頌聖神舉世詈權奸專叢莽操身事同議
各殊高下殊不倫祇有成敗耳何以定本真

人材無邪正命運有險夷禱机值時來亦自持天機溯
自有書記盡信不如疑若以古例今典詰豈無欺安知
大禹功不比伯鯀微安知四凶才不比五臣奇一朝時
命通物論遂攸歸君看韓彭頭何如絳灌衣君看子孟
族何如張禹師鄴侯祇一身唐書新舊歧或以爲忠賢

或爲比匪嗤從知後世頌難免當時譏賢奸究何從公
論安所持

人情貴遇合不在賢不賢陳平事項王不過校尉閒張
良存趙祀事楚亦微官然皆屏不用留佐漢王羈魏徵
事李密魚水誠交懽一敗遂歸唐來侍建成鞭及爲太
宗佐忠貞千古傳進退遲速機隱若天爲專可知窮達
理尺寸由自然

微雨洗炎暑清風生夜涼開卷對青燈時還進一觴乍
讀復乍飲陶然醉意長遙遙千載人儼若覩容光或時
遇孔孟或時拊老莊或參班馬駢或褰韓杜裳程朱立

我前鄭賈扶我劬王喬安期生引手驂鸞翔王嬙西子
姝相對炫紅粧翡翠雜珠璣列市分成行虎豹犀象倫
斑駁煊文章燕鶯與黃鶴引吭弄笙簧區區斗室中富
有宇內藏萬物皆幻耳果孰爲真佯境原本心生心泰
境自康心與境俱適帶與腰相忘斯非酒之功安能備
萬方

乾坤自開闢不知幾何年茫茫大海中有時成嶽山三
皇五帝世其事渺無傳唐虞迄今茲歷年纔五千巍巍
堯舜功僅賴虞書延今後五千載不知幾變遷吾知視
今茲又若羲皇前曾聞古老語天開子丑閒時至未申

際混沌將復然天與地相合人物爲飛煙此言若果爾
神仙亦不完

西人考地學亘古無窮時不知幾何年遞衍及今茲由
今億載後巧算不能稽天地歲變遷詭譎不可思滄海
變平陸高陵成巨陂研求土石情能知新舊碁中有動
植物骨化殭形遺古有今或無古無今或滋化育遞嬗
中形質頻潛移逐物窮其原能明成毀期此理若荒唐
吾思其庶幾

回思十年事依稀似夢中由後視今茲其理將毋同夢
中遊驚懼覺來形影空覺時有悲憂何異夢中逢夢覺

同一身過眼如飄風何者爲眞僞底處爲窮通苟不憂
寒飢安輸巨萬雄巨萬復幾時須識主人翁

天道忌盈巧亦復忌二三曾公立三忌理若代天宣惟
愚惟守一用力勤且專勤則成務多專則荷天憐鬼神
爲之格金石爲之穿李廣石飲羽愚公氣移山皆由精
誠通撼岳推剛堅古來忠孝人十九以愚全古來明達
士十九依神仙幾見創業人行事同聖賢

贈陳省三

望曾

太守

萬物生宇內百世同歸墟聖賢與仙佛亦各有時命試
觀秦漢來崇祀已迭更而況血氣倫可能免衰盛百產

有生初福禍已前定天那與人事基命從胎孕譬如嘉
生穀種與地交勝又如不熟稗種與地均病然物有靈
芝種地兩無證不擇地而生今古稱瑞慶何以使之然
問天不能應名利世所歆實則根乎性利本庸俗趨名
乃迷賢聖羣生早夜思以此爲究竟生思作將相沒欲
爲孔孟一呼天下諾一語千秋聽行身備苦辛志在留
名姓其實總徒然祇能成獨行勢立集羣趨財雄附眾
倭舉世曰孜孜皆與命相競百忙不肯休一刻不鬆勁
艱苦老一生所事毫無柄久暫千年中一同歸盡淨何
若杯中物可以養吾正微吟持贈君然否憑君定

贈伍昭展

光緒
大令

屈指計古今物窮勢必變三皇五帝來其迹皆可驗始
皇滅六國郡縣破封建四海定一尊萬事由獨斷胡羯
凌華夏六朝肆竊篡政教蕩無遺干戈日爭戰隋唐少
安集胡虜仍凌亂流衍到五季生民益塗炭遙遙二千
年少治日多難由宋迄今茲大致稱完奠自從道咸來
歐美通商徧五洲數十邦列國勢重見機器工製造學
術講光電舟車用火輪郵驛興電線皇王易總統庶政
歸議院隱窺天地秘化育真能贊百物日新奇萬民蒙
利便富國強兵術古今推獨擅孔孟倘生今吾知定稱

善華夏守故常舉措動牽絆開口稱道德埋頭事筆硯
時藝弓刀石消磨文武彥由此再十年緬越事將見舉
國作傭奴乞食西人嚙念此傷我心惶悚背流汗茫茫
禹九州昊天胡不眷靳與英雄人大難何由扞袞袞將
相臣兩目如瞑眩節鉞自豪雄癡坐同芻豢誓將錦江
山拱手付糜爛履霜冰已堅吁嗟徒浩歎伍君嶺表秀
聰敏南州冠壯歲遊倫敦學術遂精練英文造精微藝
巧窮籌算偶然發策論落筆似秦漢高情悟老莊治功
窺管晏斯人不顯用造物留破綻浮沈兵學校窮年憑
几案坐視有用資閒散無人薦天意若興周如君必貞

幹造化剝極復行將拯昏墊雲龍運匪遙詩以爲君券

丙申六月十九夜大風陡起伐屋拔木達旦不息

次午方漸息將軍署吹折數株督署吹折旗桅
及大木一撫署吹倒轅門藩臬道府署甬道旁
大樹吹折各一二邦父老咸言爲廿餘年未有
之風灾惟戊寅年突尾龍歸而省墓乃有此颶
也詩以紀之

以下丙申

六月十九夕風號洶呼澎湃如奔濤屋飛瓦震大木拔
東郊茅竹騰西郊百年老樹拱把梓翻根折幹橫斜拋
督衙榕倒旗桅折將軍署外枝紛淆撫轅門圯橫衢衢

街棚閣道樓崩燒藩臬道府各衙樹拔者折者橫萊蒿
蜃寮魚艇半飄沒百千性命埋洪濤禾黍飄沈果蓏敗
邦人驚詫非常遭吾廬脆薄幸無恙天憐旅寓恩私叨
作詩記灾謝穹昊一枝穩借同棲巢

柬陳省三

望曾

太守

五福不言貴富壽乃其先子與重天爵人爵其後焉後
世驚名利五尺思爲官官至多於民甚不值一錢昔時
尚科目進取稍艱難近世開捐例資郎動萬千員多不
祿食終歲憂饑寒上官視若仇同儕輕若煙交謫無奈
何忍恥求盤餐乞人所不屑呼蹴皆驩顏士爲四民末

君言良有然

省三嘗云古語士爲四民之首今則爲四民之末矣

西人講富强有似秦商鞅父子早異居人各求自彊男女七八齡入學習工商秋冬校武事春夏力耕桑有學必實用有教總精詳學成足養身交易隨所將昔者陶朱公功成泛湖鄉所至累千金其術善蓋藏屢聚復屢散分資親故塲食足禮義興古訓非荒唐

有生皆好名都不計短長三皇五帝功紀述賴文章舜禹稱至德無書亦不詳君看百年閒公卿論斗量苟無德與功名與身偕亡何況甲乙科三年收百筐當時已不珍過眼如電光古來盛名人幾是狀元郎

人生求仕宦不在詩與書詩書破萬卷不能救寒儒君
觀冠佩人何者不卑汙罄折頽桔槔拱立如鵷鷺有步
必瑟縮出言要囁嚅忍將父母身持受達官驅墦間乞
食歸昂首驕妻孥妻孥豈不知衣食正賴渠衣食倘不
缺已謗美丈夫倘見泣中庭愧汗當何如

吾叔昔有言需次如火坑交親求仕宦力阻不勸行當
時局外人鮮不謂過情及我廁其閒乃知語逼真譬如
偷桃人夜墮澗池濱前者默不語後者相繼登一一墮
池中前者乃發聲公等不到此不識此中情翻疑吾飽
啖不顧友與朋今盡落其中後悔將何能

廣東中丞許公

振韓

賜示近作舟行雜詠詩刻敬

次集中和王鼎丞觀簪用東坡粲字韻詩韻敬

獻一篇

危坐誦公詩展卷纔及半清風生戶庭歛氣發深歎恍
侍涪翁前勁峭不容玩句律淳精金神完氣蕭散襟期
栗里高峻潔絕儔伴粹然儒者言至性出平旦根柢盤
九經陳編叢雪案餘事作詞章行身規治亂欲舉八州
民詩書爲濯盥平生報國心吐握猶嫌緩政事與文章
挈持歸一貫近觀仕宦場妙技貴異懦果能明是非與
世定冰炭惟才解愛才寸善延賓館往卽片言溫勝於

冬日暖坐治視百城家家盈白粲

再疊前韻

泚筆頌公詩晨興過夜半道揚無百一力薄增惶歎公
詩如泰華峻極不易玩高才駕駿詞冲襟寫疎散 聖
代蔚耆英魏謩差能伴布帛菽粟言幽風續姬旦六載
治宣防措施成鐵案移節撫嶺南蘭絲棼不亂新澤看
勞敷舊汗皆滌鹽民安法網宏時清裘帶緩百度重更
張九功循舊貫和光懍山立廉頑起鈍懦常懷天下憂
隻手援塗炭清節動 堂廉文章焜史館下吏接溫言
懼如挾纊暖但語汙公跌願公發一粲

送譚彤士

國恩

太守之官粵西卽用其在京留別

原韻

橫濱聚首幾經春風雨談諧夜及晨
霽抱無塵能愛眾
草書得價輒延賓新詩魚雅人爭誦
游屐鴻泥迹未陳
更喜諸郎盡英妙武功文事日光新
諸郎有舉孝廉及爲水師官者
日下諸公饒別杯妍詞麗藻門玫瑰
桂林山色遲文采
珠海波光寄溯洄領郡可能賢乞食
當途知不負長才
他時我欲從君後官閣梅花可許陪

丙申中秋夜羊城甜水橫巷寓宅對月

年年四季逢佳節獨愛中秋對明月
明月團圓骨肉全

不識人間有離別粵王城西甜水街門巷清幽屋乾潔
閤家僑寓不知愁米鹽時匱仍嬉悅三更月正照庭心
婦子提壺扳我啜短案橫陳院宇清苦酒盈樽梨棗設
孺人側坐索新詩稚子循牆聽講說小女纏綿疾早眠
大女庭陰坐不齧老兄薄酒已曛然伊妾干呼不踰闕
表兄楊五睡尙醒喚起傳杯呼耳熱我獨深杯笑且顰
左對佳兒右孺人人生適口便可飽何必羊羔配八珍
問我前生果何物不任腴田與華屋半世浮沈四品官
衣服典空食無肉舉頭問月月若磨人生有命我何能
請君還問造命者爾尙多言我欲憎

晚邱松喬

寶森

大令

君將赴瓊山任前數日送手鈔詩稿三卷乞余刪定豈以

千秋見

託耶

君舉鄉年我弱齡銓曹偕赴便傾心同舟夜渡楊林月
隔海遙聞宓子琴萬里睽違音問簡八年相見鬢毛侵
那堪臨別無窮意詩卷新鈔付我吟

已丑秋余與君同舟出京明年君權

大埔篆而余

使日本矣

山縣寒儒備苦辛中更喪亂保鄉鄰筆耕長客東西蜀
仕祿常饑左右人薄宦無家僧共靜典衣難贖債相親
平生砥道師恩重纔到瓊山迹遂陳

君宦粵十年不達今夏君坐師許中

丞撫粵君奉檄瓊

山甫逾月而卒

十年粵海歎蹉跎大埔

縣名

銅符兩載過不習詭隨怎上

達尙留遺愛付謳謠已飢轉念飢民苦忘老翻憐老病多一世恃強不稍惜孤棺何日葬巖阿

傷次男榮光

生長鳩江江上廬單寒骨相本彫疎祇愁異日多艱瘁誰識年齡十載無

甫聞結核已心驚煮藥祈神夜到明汗下兩難纔五日

硝黃一服遂亡身

時粵東起核症與雲南羊子症相同一時傷數千人

傷心謔語已模糊猶背詩書似貫珠深悔朝朝催課急

唇焦舌敝不饒渠

病亟聲聲念塾師叮嚀渠母送歸其詩書畢竟貧家物
願汝來生作富兒

而母朝朝念不忘每瞻玩具淚淋浪揜搜簾櫳都拋卻
幾疊殘書破爛裳

桐棺三尺付山岡雲貴山莊傍五羊莫恨旅魂歸不得
汝生原本在他鄉

李鐵船

微庸

觀察饋家釀秫酒一甕賦謝

劉伶阮藉能知汝李白陶潛酷愛渠玫瑰頗羞風味濁
膏粱微覺性情粗甘流舌本看浮蠹香到唇邊合煮魚
傾畧深情洽肝胆知君期我學相知

四月六日李鐵船

微庸

觀察陳省三

望曾

太守楊

秋潭

自明

大令孔玉山

慶鎮

少尉小集寓齋

以

下丁酉

家貧偏愛客人老更憐春鷄黍無兼味園蔬當人珍蕭

疎辭俗調坦率任天真燕翅

燕窩魚翅近時賓筵上品

全屏卻諸公

莫笑顰

遲星甫弟不至

屢書擬作嶺南遊底事長年守故邱生計日艱關世運
窮通係命匪人謀耕桑事業懶無分仕宦生涯祇足羞
半世悠遊成老憊王侯無望望千秋

憶昔相依金筑城
新婚婉戀弟和兄
陽春風物金難買
和樂情懷月共明
室屋蕭疎愁避債
米鹽凌雜拙謀生
枯魚相煦情堪憫
回首當年感易成

夏曰偶成

婆娑綠樹小庭西
環列盆花蔭樹枝
爲恐鷄雛啄花葉
編將苦竹作笆籬

東軒虛朗此迎賓
庭列盆花紫翠勻
城市鱗鱗無隙土
暫留生意養和春

積雨綿綿百日遠
重雲漠漠四圍低
乍涼乍熱暑兼溼
如醉如癡夢共迷
避溼蛙鳴書案底
欺花葉覆曲欄西

羊城氣候堪惆悵那有昌丰唱大隄

弔楊定九

金鼎

訓導同年

偶繙仕籍失君名疑是居憂返播城有弟初來習鄉事
問君消息始心驚春明文讌剛三載貴筑儒官遂一生
母老健存兒鈍魯九原遺恨幾時平

一世求官備苦辛公車十上總沈淪論才宰邑曾何忝

殢跡儒官願未伸熟讀醫書爲師病

君因座師畢公保釐中風疾乃學醫

算工銖黍奈家貧當年蕊榜題名處廿一年華病裏身

君乙亥科帶病

入場竟入選

題侍香仙女傳畧後

蕙質蘭心金粟魂飛瓊小謫毓名門碧城歸去曾何恨
爲有椿護未了恩

眷戀陔蘭永孝思玉壺承淚溼胭脂芙蓉宮闕花如海
依舊牽衣傍母時

禱疾焚香夜諷經九霄風露集通靈春蠶到死絲難盡
苦慰慈親乞與齡

唱隨相易更相師譜畫兼工絕妙詞擬向江淹傳彩筆
寫將逸韻入風詩

丁酉秋日遊白雲山

城居長養三興臺衙參之外百不擡主人欲訪白雲寺

千呼不應云非該主人生長深山裏兩腳尋山如踏水
出城十里卽山巔不賴肩輿豈遂止度阡越澗緣山行
邐迤直到鄉仙亭懸崖架屋茅三脊古木寒藤月一杓
盤紆更上白雲頂峯巒如抱開靈境古殿參差落燕泥
中庭冷冽澄簪井半巖直立觀音堂崇樓修迥臨蒼茫
石梯陡立東西序老樹幽篁蔭上方歸途欲訪能仁寺
寺隱山坳勝塗壑精舍奇花映四隅葡萄架覆丹墀地
寺後茅齋聚學徒書聲咿軋通精廬藥欄蔬圃垂朱蕊
豆架瓜棚綴翠壺小憩斜陽正滿山舁輿直下翠微巔
城頭更鼓烟初暝夾道秋禾露滿顛明朝拜客西關鄙

出郭還羸十餘里道長過半白雲山看爾興夫奈何彼

和林右丞介燭太守同年

隔嶺逢迎未有期

余宦粵東君宦江右中隔庾嶺

聞君宦况足軒眉佐

丞到手談何易

君補吳川同知

甲第灰心莫更迷昔日雲龍微

氣誼幾時虎鹿共鞭笞平生小視隆中業今日方知彼

一時

宦海原同孽海深衙參酷似坐氈針那容才氣高伊霍
祇要囊箱富玉金節鉞崔巍空眯目文章黯黯孰傳心
學書學劍俱無益翹首徐淮氣未沈

夷牢溪廬詩鈔卷六終

夷牢溪廬詩鈔卷七

遵義 黎汝謙 受蓀

古今體詩共六十一首

丁酉科廣東鄉試點名見士子攜籃奔走於烈日之下慨然有感

帝王幾見由科目名士誰工八比文矮屋三塲囚在圖
風簷九日蟻爭羣虛名得失原關命文字妍媸那易分
本是牢籠天下術白唐而後日紛紜

廣東閩姓歌

嶺南賭法多且奇牌骰之外無不宜見牛卽以牛競勝

遇犬卽以犬猜迷草蟲籠鳥鬥勝負瓜壺菽麥爭高低
銅錢石子皆盧雉白鴿花會尤紛歧花會一紙卅六字
一字射獲三十期白鴿每射二十字五字符合無盈虧
倘中六七至八九十百千倍償其資蹇者百回不一中
信者自信疑者疑惟有關姓公而普販夫僕婦皆樂爲
其法每逢鄉會試羣相擬度售誰伊每人限買二十姓
千人同卷爭雄雌中姓多者推第一計出六百倍酬之
姓次少者償遞降百倍遞減無等差三標以下無酬謝
有同等者公分持凡屬大姓立限制許購買祇十數而
能得頭標最得意一錢可酬六百貲亦恐同等至數十

分多反遜二三枝貧人往往致巨富富人亦或成貧兒
每年收數千萬計額八十萬供稅釐六年國課五百萬
承商更得贏豪資貧人富人無不買揭曉之日爭伺窺
失者垂頭喪家徇得者酣飲軒雙眉就中得者千之一
往往分散空歡嬉買時竭蹶四偵探誰氏文高福亦齊
甚者推究到星相先人塋冢環地師粵人恃此爲貿易
國家亦籍供虛糜我今困窮亦望此孰知命蹇徒爾爲
四卷僅各得八姓人有九十吾何期老妻黠較竟終夜
掩卷擲筆增愁思一笑吾儕食官祿天欲陰隲不在斯
掘藏不取古人事倘來之物何嗟吁

丁酉九日集同局賓僚登粵城觀音山啟秀樓

粵王城裏茱萸節，啟秀樓頭漫舉觴。
一面峯巒橫雉堞，萬家煙火列城隍。
江山雲物供欣賞，殿閣鐘魚萃上方。
無數遊人如蟻聚，惜無黃菊襯冠裳。

漫成

蠹魚居士空談理，射虎將軍不解文。
各自飛潛還性命，何爭貴賤總煙雲。
齏鹽果腹同珍錯，菅布安身勝綺紵。
底事貪嗔生愛惡，百年肝肺任薰焚。

題巢經巢詩鈔

幼時曾記挽公鬚，白髯修幹清而癯。
神如野鶴安以舒。

貌似長松倚碧梧終日常携酒一壺胡桃乾脯儲襟裾
以書下酒酒下書時或看山種樹株望山本乃童赤區
石确土瘠非膏腴先生廬墓十載無手植松柏成林廬
種梅百樹漫山岫花時如海香雪敷奇葩異卉四時俱
儼然摩詰輞川圖吾家相隔二里餘手扶籐杖時來趨
舅吾大父壻吾姑兩世姻婭兼門徒當時大父歸林居
先生白鬚侍坐隅依然子弟循循如氣雖傲岸禮不疎
入塾授經口欲痛先生呼來立座觚伸肘命捉麻筋酥
凡人肘後有筋痠每捉先生必笑呼每來必捉否必呼
之必麻俗曰麻筋

禹門避亂連衡閣先生有書必授余謂曰往取勿緩疎

逾刻將爲他所逋吾家兄弟十數餘長者少者誼無殊
先生於我獨响濡謂曰此子同鳳雛吾業他年當付諸
及今手蹟皆亡徂惟餘一軸存箱篋歎我廿載走江湖
藏弄蕩佚由人胠公今詩卷人爭儲遺稿未刻責在余
手無劬費其奈乎先生弟子楊大夫爲集資斧忘口瘖
編訂校勘吾敢竊官事叢脞忘艱虞刻成印就歡以攄
題詩一笑汗公跣

示汝恆弟

以下戊戌

祖宗歷世教祭祀必誠敬非惟祈慶福亦以約心性人
命良自天鬼神亦持柄善惡降災祥自古有明證人苟

無所畏何事不可任設教以神道勸垂自先聖非獨警
頑懦亦以範民命放蕩禮法場百惡將來併及今歐美
人亦解耶蘇敬神號雖各殊要亦有尊信孔子大聖人
亦稱鬼神盛吾昔少壯時心高氣豪橫歲時事神鬼外
恭心不信謂事本人謀鬼神焉得問及今年漸老氣衰
心亦靜始知向來過不可爲世訓皆由怠惰深故喜發
高論其實古先民豈必均愚鈍而云嚴祭祀立說理極
正儒者貫幽明百世不可病書此持示君志亦庶可定
戊戌三月五日胥江權署與楊嵩樓閒話

晏起從容百不忙浴塵漱齒袒衣裳晴窗啟榻將煙出

暖室垂簾過酒香
短榻對眠談故事
長鎗橫抱說家常
晴和風日舒和體
清福能消謝上蒼

胥江權署獨坐

門對青山水繞村
卷書稽古細評論
百年無奈速朽骨
萬事何如長閉門
蓋世文章皆玩具
幾家精祿及兒孫
韶華莫漫荒唐過
且飲香醪自慰存

贈楊嵩樓表姪岐

前輩由來畏後生
況君家世本簪纓
不辭萬里因將父
可許三年立盛名
孝友傳家堪訓俗
糟邱適口足長生
梓邦翹楚知多少
誰復如君識酒情

謝楊嵩樓餽何首烏

滇南山澤孕精英琥珀豨苓世所名絕壑首烏如斗大
細罇醞醪足長生多君萬里相持贈愧我中年疾漸嬰
此物白頭能變黑益神知必勝黃精

行路難

中原鐵路苦不修行路之難古所愁陸行惟與輿馬謀
水行顛顛如飄舟輿夫十九詐且偷半途索價不同眸
稍違卽逝如魚鱗抑或負擔過深幽乘機啟竊竊其尤
囊箱委散投諸溝追之無跡杳若猴控之官長飭差搜
十九不獲徒相糾追尋無計囚夫頭一命之外無可撓

水行往往遇黑舟劫財害命刻不留少婦幼女一律收
爲妻爲媳如牢囚心欲哭訴不自由花容月貌惟包羞
歡言仰面乃事讎有如鸞鳳隨虎彪北方車夫更可憂
多與响馬相綢繆行至曠野或林陬搖鞭一指賊四周
金銀在笥刀在喉汝如要金我要頭強奴悍僕無敢振
搜括已盡策馬逍塵頭高起鷹脫韉行路之難古所愁
嗚呼安得鐵道徧九州朝發夕至如飛猱盡登平坦脫
網鉤行盡四海無戈矛

遣僕

故鄉奴僕豈不好豆乳寒齋味甚宜其奈多時動生意

每於促處欲居奇，饗飡細故怎難我。言語微疵輒遠離，
看汝高心向何屋。朱門大第不容斯。

胥江權署卧病不寐

卧病胥江上，終宵寐不寧。雞聲山市月，更鼓哨樓星。遠
樹痕猶墨，殘鐙焰不清。負牀千百轉，仍起展窗櫺。

午睡

一枕酣沈睡味長，將醒餘味尙甜香。憎人估客呼投稅，
起派司巡仔細量。

戊戌閏三月二十日胥江權署買角鷹一

鄉人籠持角鷹來，神氣悍戾毛翎摧。金服環瞳圓不睨，

頭軒雙角森崔嵬虎拳鉤爪鉅於刃駁文蒼黑紛琤璫
翅長五尺嘴屈鐵虓頭豹頸齊連顙觀汝狀具禽獸種
懸崖穴處人誰猜常時盤旋九霄上凌空健翮乘風雷
側目擎拳恣搏擊風毛雨血汗蒿萊百鳥瞥見避不及
供汝飽啖甯論哀嗟汝雄才蓋一世如何乃被農人絀
竹籠麻繩鎖扭急縱有勁翮無由開視汝微傷尚可活
吁嗟可惜英雄才奇姿偉質賤於土千錢買得供諧詼
辛勤飼汝不期報饑有肉食飽莫飛

傷鷹

玉爪金眸不世材買來吾本爲憐才方期用汝爲牙爪

何遽無端棄羽骸兩翮微傷原不甚臨危壯氣未曾灰
高堂華屋非棲處魯祀爰居信可哀

旅順威海行

旅順威海渤海濱勢如門闕拱神京李相昔年營戰艦
鋤荒闢草勞經營旅順船塢擲千萬移山築海千夫屯
四五年間功始就更環砲壘屯佳兵一壘費以數萬計
圓櫓俱法洋師程武庫巍峩據山麓鎗彈倉庫宏於城
海汊灣環似湖沼湖西更建水雷軍大廈磚房盡西制
律風電線皆修成水雷魚雷各異狀旌旗鼓角傳邊聲
武備如山成重鎮遙峙威海爲門庭威海地隸山東境

劉公一島灣環生天然船澳屯鐵甲內寬外狹偃月形
大地砲臺相對立陸軍海艦紛縱橫提督衙門適駐此
北門鎖鑰牢關廂相公經營二十載此豈不足當藩屏
一朝敵至如破竹旅順潰裂威海傾將降兵散或自盡
門戶既失 宮廷驚俯首議和二萬萬金復已翦割臺
澎俄法連橫返金復益三千萬遵公評逾年山東殺教
士德人借此開釁萌揮兵忽據膠州地但論勢力無能
爭俄人覩此便生意遂索大連旅順爲由庚英人亦引
利益均沾約索取威海猶人情法人旁觀肯坐視要取
廣州灣地分杯羹鷺鷥不過兩月耳任人宰割同牢牲

試問何因遂至是咎由守舊法不更方今五洲同文軌
一國守故安能行必然滌腸盪胃一洗千年陋庶幾山
河奠定足以安吾氓

從姪樹自黔來粵

離家我已十三載看汝身材似舊長娶婦十年仍乏嗣
遠行千里近荒唐吾兄目瞽將何遣汝弟身強業豈荒
出外謀生非易事須持堅忍忌輕狂

四十七初度

辛苦過半生敢議喬祝禮僚友過情愛酒麤羅堂庀紅
燭輝兩行壽星繡綾綺連案陳果桃滿室煥金紫吉語

祝百年願公登貴仕宵來奏雅樂高唱聲盈耳卻之情
愈殷益以增吾恥峻拒近不情雞鳴吾遁矣翩然泛小
舟溯流三十里岸草散幽香朝霞映清沚山店戶漸開
婦孺行汲水沿洞至大塘羣山環邈迤停舟傍竹陰蕭
然水之涘綠蔭覆船篷赤日無汗泚呼奴煖清酒肴核
屏華侈村市買瓜蔬裹腹勝羊豕時有打魚人撒網投
香餌溪童撈竹根裸體頑鐵似炎曦赫若焚逐物真忘
已覩此傷民貧彼亦猶人子爲謀一日殮不惜枯骨髓
吾生一何幸得天良厚已日暮動歸橈遇樹輒留止途
逢山雨來跳珠入船裏滿江躍琲璣如游水晶市雨止

風力微白雲翳山坻遠山雲氣中山雲渾莫擬輕舟綠
水閒心曠無塵滓避鷺獲幽賞大勝拜跪起歸來日已
曛開筵酌諸子拇戰各盡歡飛觴延福祉謝君頌禱情
清遊勝華靡從茲過生日但願常如此

戊戌端午日胥江榷署與兄弟泛舟

榷署逢端午潯江好放船遂呼官艇子相約弟兄聯滿
載樽中酒還烹石上鮮沿堤尋綠樹到處訪紅蓮逆浪
憑篙槩乘流看鯉鯪談諧徵往事笑語祝豐年老木根
空露長槐蔭蔽天欲尋幽寂處來訪寺門前叉港添新
漲榕陰罩碧漣繫舟剛蔽日到岸已參禪古木如圖畫

開牛浴水顛竹林環浸水池蕩亂流泉久愛涼陰立還
來古寺邊遙山青入抱積潦近階緣籬落開三徑人煙
自一川古藤纏似蔓修竹直如弦脫鞵真忘適披襟任
自然忽驚山雨至直恐水風翻急步尋歸路還舟又啟
筵

送豐潤張方伯

人駿

奉命移節山東

國步艱難日 朝廷勵治初太行鍾閒氣豐潤毓宏儒
壯歲蜚詞館高文動 帝都蘭臺觀秘籍東觀讀奇書
校士宏珊瑚精心朗玉壺崑山呈美玉滄海獻明珠
傳馳西蜀文昌拱使車菁莪全入彀棧樸不留餘諫院

敷風節嘉言協

聖謨危詞明國是遠畧懾蠻奴西粵

方多事巖疆鮮蓄儲強鄰環覬覦內寇伏荏蒲 帝命

來安集清風遂暢敷明通羣動伏公普百僚孚勁節松
同健剛廉玉不如域中咸感頌宇下盡歡呼陳臬來珠
海沈冤一洗除柏台纔幾日薇省倏眞除 帝鑒誠明

允人情盡暢蘇士民皆忭舞遐邇悉懽娛公亦懷 天

寵精神激萬夫勤勞忘吐握鉅細靡疎虞朗抱同冰潔
清懷似竹虛量才孰任使雅鑒洞賢愚曲體周羣隱深
情卹餓夫無私讓不入持正怨全無竭慮酬 君國勞

心事餉精繭絲禁益理涇渭辨難通賤子來東粵官微

氣類孤才庸無表見詞鈍更粗疏跼蹐經三載蕭條困
一廬衰殣常不給累負已充間呼籲無途徑求謀總拙
迂蒙公垂顧盼掀我出泥塗大德同蘇朽深恩勝育枯
此生知莫報沒世或酬乎感極翻成涕情深口若茹惟
天能降鑒無語足張攄但祝公黃髮分茅秉節旃勳名
齊李郭福壽絜唐虞七葉貂蟬貴千秋帶礪符小人有
孫子依舊事襟裾

紫洞舟中

我舟南下南風起我舟北上北風始度度行舟遇逆風
天公與我殊行止逆風相泥舟行遲天公與我看山時

眼蒙不辨山遠近徒負天公十日吹逆風仇我果何意
是我舟行適相遇人生際會總如斯天本無心人自謎
舟宿浪灣

數家茆屋倚江濤酒店油鹽趁旅人月色昏黃含水氣
濤聲澎湃碾風輪哨船更鼓嚴清夜遠岸寒鷄喚曉晨
終日沈眠雙眼瞿有書難讀酒難傾

戊戌十月初九日睡起

終日昏昏醉夢閒醒仍懶起索茶煙勉將渴睡冲將散
又得銷磨大半天

不談國事不齊家終日惟貪酒與茶一覺午眠因到晚

又將粗糲伴胡麻

懶來四體都成累老去兒孫只益愁
富貴到時翻少味始知貧賤勝封侯

世人祇道無求樂及到無求味便枯
必待艱難求得後一時歡樂世閒無

細想人生都是命寸心悲憫總徒然
安危自是釣臣事不用寒儒苦問天

癡心救世翻叢謫苦意懷忠反喪身
自古到今同一轍者翻更是不堪論

也知天欲亡中夏其奈民生徹骨貧
綱疾已深成癢痺

仰天搔首望金輪

乳雞乳鴨家人事種菜鋤瓜隱者情地轉天旋何必問
且將詩酒度餘生

戊戌八月不雨至十月江水淺涸舟楫遲滯權稅

日紉

三月不雨成冬乾沙明水淺不勝船舟師估客增愁歎
驚槩難施可奈天

戊戌十月初十日夜夢

昨夜夢至禹門山粉牆丹柱光新鮮又似添新易朽蠹
有如補綴僧衣然前生本是禪和子平生有夢多在此

吉凶悔吝能前知十九不爽同龜筮佛說輪迴信有徵
前生今世儘堪憑迂儒死不言因果欺已欺人不可聽
自八月至十月不雨胥江水涸深不盈尺舟楫艱
阻商旅曰稀權吏對此焦急無狀詩以紀之

江枯石露水見沙鰕龍蟄卧雷無車大魚泥蟠小魚泣
鶴汀鳬渚紛橫斜漁人網罟枯欲折舟師槳棹徒空擎
昔時滅頂今沒脛晨能浴鷺晚藏蛙蝦行蛭度猶憎礙
大舟長檣安能爬處處旱乾愁皎日朝朝曉暮明丹霞
澄潭龍去堆紅葉低田龜坼存黃麻庾嶺以南盡如此
商賈歎息黎農嗟加以盜賊充四境劫盡財貨掠鹽茶

百物停滯商裹足關津權稅能無差我今征商正坐此
帑藏短絀愁如撾雲祀愧難格神鬼坐視江海成塘窪
禱雨桑林非我責手無民社徒嗟呀皇天若肯鑒微薄
一雨三日咸歡譁

嶺南雜詠

北風雨月吹不休舌燥唇乾沙滿喉四季不知寒暑候
南風成夏北成秋

南風溼熱北風寒無夏無冬嶺外天香稻雨收蠶八熟
青林綠樹四時圓

丹荔黃蕉種滿林羊桃盧橘綴如金蘋婆夏熟波羅出

夷牢溪廬詩鈔卷七

三

春菜秋榮似玉簪

終年草木不知雪百歲村翁未識霜
冬夏無分寒暑乍南風便熱北風涼

內海沙田最沃饒家家俱望漲
春潮東邊坍塌西邊溢

鶴立魚游便插標

粵東沙田最沃居民望影升科有魚游鶴立水坦自坦草坦之名至成草

坦後便能種稻而草坦獲利更厚

男女家家喜敬神粗香寶燭滿街陳
淫祠荒刹知多少

卜玆求籤夜到晨

女兒婚嫁當居喪三族尊卑哭兩行
白布裙衫披兩鬢這纔上轎作新娘

蛋家世世水中居富貴難容建屋廬兒女婚姻裝一艇
子孫勿替作漁夫

李燕伯太守以游寶漢茶寮詩屬和率意奉答

世味周嘗道味濃甘將心迹付冥鴻醉來寶漢寮邊望
萬事浮雲過太空

道德文章兩宿成更留助績鎮邊城知君別有千秋業
未許浮名絆此身

前詩和畢餘意未盡續成六絕

忙裏偷閒春滿胸羞將道德換英雄王侯將相眞何物
都在華胥一夢中

出本無端處亦非登場都覺素心違一生喫著端須幾
松菊猶存底不歸

功德如堯信則天若無謨典復誰傳山河尚有滄桑變
爭似文章日月懸

痛癢相關在一身豈將手足役心神酣眠飽食饒真味
卽是神仙隊裏人

衙參鵠立習趨踰婢膝奴顏日夕忙俯仰一身難自主
尙談忠義報君王

東坡才大勝淵明和盡陶詩亦有情雪亮襟懷高世節
昂頭真不負平生

附錄原作

籌邊孤負十年心
贏得霜華兩鬢侵
出處更無中立
勢不屈
廊廟卽山林

欽江宦跡寄層臺
一夕邯鄲夢醒纔
不使梅花歎寂
寞
此閒得我兩回來

李燕伯太守以游花埭四小詩屬和依韻奉答

豐肌秀骨孕靈胎
疑是姮娥浣手栽
旭日曉風香霧裏
移根知自月中來

絳仙花

也知天不偶生才
况是兜羅法界來
流水空山修竹外

一枝璀璨倚雲開

石泉花

劍葉芬芳帶露開
空山幾見賞音來
國香自有徵王夢

肯共羣芳鬥艷才

素心蘭

萬紫千紅競好春
妍獻媚殆忘身
乍開乍落連朝暮
誰是冰霜隊裏人

附錄原作

梅清棠艷耦成胎
不是塵根信手栽
試問許飛瓊去
後品題誰到此花來

絳仙花

畢竟深山有異才
清從冰雪氣中來
道旁草木羞依
附流水溪橋獨自開

石泉花

一叢能見幾枝開
一曲操成萬慨來
須識天工珍重

意花猶如此況人才

素心蘭

力求香國駐長春灌甕鋤泥苦自身我爲園丁頻太
息看花誰記種花人

偶成

人生幾到百年身五內終朝似轉輪智計日新怎奈命
事機風起只緣因眷懷君國曾何補寄意琴書不畏貧
世運已窮知必變幾時文治日光新

讀史

金輪當運日玉步履艱時薄海同幽憤強鄰並動師上
天終不悔中夏祇堪悲大局非吾任微生謹護持

記手痛

以下己亥

正月廿四夜三鼓短檠獨對橫繩牀鋼針誤觸傷拇指
力猛入肉三分強當時吸吮無縷血不知痛楚如平常
次日晨興事鹽洗水及患處如蟻傷午後肩輿過兄寓
始覺疼痛難禁當敷以鸞粟陳石灰迭次更易俱未見
歸來急救定痛藥手益紅腫痛益張迭進膏丹俱乏效
浸之洩溺始微康鞠身叉手勢難久纔出洩器痛又狂
求神祈佛窮百計大痛直至夜將明次日痛紓人已憊
細思患作難端詳微物細故成大患無心意外生巨殃
涓涓巖溜可穿石區區蟻穴能潰防平時刺傷不記次

均若無事忘提妨此度初傷亦無害越日乃爾成張皇
陡起直疑有鬼物不然何以芒刺之孔成金瘡半夜呼
兒戒後事每屆三日焚燒人馬一萬筐約計一年士卒
可百萬吾督以戰妖孽宜恭降斬盡殺絕不留孽務使
妖魔化爲日月光誓言一出痛立解可知鬼物亦自畏
強梁不然微軀任爾作殃禍旣求酒食又冥鑑難填慾
壑事猶小吾身切膚之痛怎能忘從茲戒慎所不覩定
心養氣還純陽不留毫毛之隙使汝入百歲四體常康
強

己亥二月游寶漢茶寮

三年不到此閒游亭舍依然地漸湫竹樹荒蕪賓客少
軒窗新闢菜畦稠肴蔬多品空題字酒譜留名百不收
且買村醪具雞黍貪看野色暫勾留

己亥二月廿五日喜雨

去年八月至二月七月不雨成旱災江枯石瘦沙露底
家家井涸飛塵埃海潮倒灌江水鹵江上人家舌苦灰
甘泉旣渴飲苦水苦水復竭真難哉米蔬騰踊日數價
平疇龜坼甯論栽人心惶擾將致亂更妨癘疫乘機來
再更十日倘不雨羊城百萬將同哀二月廿五雨忽降
初猶霖霖繼喧喧廼廉纖滂沛竟兩日羣情安定歌且咍

低田旣足高亦渥再雨十日應更佳或云人定勝天事
似此可復論雄猜天心一轉百物遂金珠百寶流山隈
西人敬天有至理地祇人鬼何能排畏天自古有明訓
莫謂高遠頭如揆

夷牢溪廬詩鈔卷七終

夷牢溪廬詩鈔卷七

大